



Үндэсний виз мэдүүлэх заавар

Гэрлэлтээ / Хамтын амьдралаа Германд албан ёсоор бүртгүүлж оршин суух зөвшөөрөл авах виз

Үндсэн заавар

- Германаас бусад хэл дээрх бичиг баримтуудыг хүлээн зөвшөөрөгдсөн герман орчуулгын хамт өгнө. Гадаад паспортын мэдээлэл бүхий нүүрийг орчуулах шаардлагагүй.
- Гэрчилгээ, Диплом болон бусад баримт бичгийн эх хувийг өгөх ёстой. Таны визийн мэдүүлгийг шийдвэрлэсний дараа эх хувийг буцаан олгоно.
- Визийн мэдүүлгийг өгөхдөө нислэгийн тийзийн захиалга өгөх шаардлагагүй. Визтэй паспортаа авсны дараагаар тийзээ захиална уу.
- ЭСЯ-наас нэмэлт бичиг баримт шаардаж болно.
- Бүрэн гүйцэд бус визийн мэдүүлэг өгөх нь шийдвэрлэх хугацааг удаашруулах бөгөөд цаашлаад татгалзах эрсдэлтэй.
- Визийн мэдүүлгийг шийдвэрлэх хугацаа дуусаагүй байхад лавлан асуух шаардлагагүй. Энэ нь визийн хэлтсийн ажлын ачааллыг нэмэгдүүлэх тул хариулах боломжгүй.
- Визийн мэдүүлгийг шийдвэрлэхэд олон хүчин зүйлс, нөхцөл байдлыг харгалзан шалгах учраас зааврын дагуу бичиг баримтаа бүрэн бүрдүүлж өгөх нь виз гарах баталгаа биш.
- Маягтыг визийн хэлтсээс үнэ төлбөргүй авах боломжтой. Виз мэдүүлэхэд үйлчилгээний хураамж төлөх бөгөөд тухайн хураамжийг виз татгалзсан, мэдүүлгээ буцаан авсан аль ч тохиолдолд эргүүлэн олгохгүй.
- Виз мэдүүлэх бичиг баримт бүрдүүлэхдээ ямар нэгэн байгууллага эсвэл гуравдагч этгээдийн туслалцаа, үйлчилгээг ашиглах шаардлагагүй. Өгсөн мэдүүлгийн хариуцлага, үр дагаврыг зөвхөн виз мэдүүлэгч өөрөө хариуцна.

Ерөнхий мэдээлэл

Виз мэдүүлэгч нь ЭСЯ-ны Консулын хэлтэст биечлэн ирж бичиг баримтаа өгнө. 18 нас хүрээгүй виз мэдүүлэгч асран хамгаалах эрх бүхий хүмүүсийн хамт ирнэ. Эцэг эхийн аль нэг нь Германд амьдардаг бол нотариатаар баталгаажуулсан зөвшөөрлийг хавсаргана.

Герман дахь Гадаадын харьяат иргэдийн газар зөвшөөрлөө өгөх ёстой учраас бүрэн гүйцэд визийн мэдүүлгийг эцэслэн шийдвэрлэхэд багадаа 2 сарын хугацаа шаардлагатай. Ийм төрлийн визийн мэдүүлгийг шийдвэрлэх явцад Монголын иргэний бүртгэл мэдээлэл болон бусад холбогдох байгууллагаас олгосон гэрчилгээ, лавлагаа, шүүхийн шийдвэр, тодорхойлолт гэх мэтийн бичиг баримтын үнэн зөвийг шалгах шаардлага (Urkundenüberprüfung) олонтаа тохиолддог. Энэ нь визийн мэдүүлгийг шийдвэрлэх хугацааг уртасгаж болох бөгөөд нэмэлт төлбөртэй байна. Бичиг баримт хянан шалгах тухай мэдээллийг доорх холбоосоос авна уу: <https://ulan-bator.diplo.de/mn-de/service/-/2180306>.



Визийн мэдүүлэгт өгөх бичиг баримтын жагсаалт

Визийн мэдүүлэгт өгөх бичиг баримтуудыг эх хувиас гадна 2 хувь хуулбарын хамт өгнө. Визийн мэдүүлгийг шийдвэрлэсний дараа бичиг баримтын эх хувийг буцаан олгоно.

Англиас бусад хэл дээрх бичиг баримтыг герман орчуулгын хамт өгнө.

Бичиг баримтаа доорх дарааллаар эрэмбэлнэ үү.

1	Бүрэн гүйцэд бөглөсөн, виз мэдүүлэгч гарын үсгээ зурсан үндэсний визийн маягт ("VIDEX" маягт)	<input type="checkbox"/>
2	Биометрийн шаардлага хангасан 35*45 мм хэмжээтэй 2 хувь цээж зурагны нэгийг үндэсний визийн маягтын цээж зураг байрлах хэсэгт нааж хоёр дахь зургийг нь наалгүй авч ирнэ	
3	Хүчинтэй гадаад паспорт	
4	Гадаад паспорт эзэмшигчийн хувийн мэдээлэл бүхий нүүрний хуулбар	
5	Гэрлэлт/хамтын амьдралаа бүртгүүлэх тухай тодорхойлолт (Anmeldung der Eheschließung): Иргэний харьяаллын тухай хуулийн 13.4 (§ 13 Abs. 4 PStG) дагуу гэрлэлтээ бүртгүүлэх болсон тодорхойлолт. Германы гэр бүлийн товчооны ажилтан гэрлэлтийг бүртгэхэд шаардагдах нөхцлүүдийг бүрэн хангасан тухай тэмдэглэл энэхүү тодорхойлолтонд тусгагдсан байх ёстой. ЭСВЭЛ Германы гэр бүлийн товчоонд (Standesamt) урьдчилан ямар нэгэн бичиг баримт өгөөгүй байгаа тохиолдолд шаардлагатай бичиг баримтыг визийн мэдүүлэгтээ хамт өгч шалгуулж болно.	
6	Монголын Иргэний бүртгэлийн газраас авсан гэрлэлт бүртгэлгүй тухай лавлагаа (Ledigkeitsbescheinigung). Өмнө нь гэр бүлийн бүртгэлтэй байсан бол: Гэрлэлтээ цуцлуулсан шүүхийн шийдвэр.	
7	Виз мэдүүлэгчийн төрсний гэрчилгээ	
8	Германд байгаа гэр бүл болох гэж байгаа хүний оршин суугаа хаягийн бүртгэл. Жишээ нь сүүлийн 6 сар дотор олгосон бүртгэлийн лавлагаа (Meldebescheinigung)	
9	Германд гэр бүл болох гэж байгаа хүний паспорт эсвэл иргэний үнэмлэхний хуулбар	
10	Германы болон Европын Холбооны бус иргэдийн хувьд оршин суух зөвшөөрлийн хуулбар	
11	Герман хэлний мэдлэгийн сертификат. Сүүлийн нэг жил дотор олгосон “Хэлний түвшин тодорхойлох Европын нэгдсэн журам”-ын дагуу А1 түвшний герман хэлний сертификат ¹ :	

Энэхүү жагсаалтыг ЭСЯ тухайн цаг үеийн мэдлэг, дүгнэлт дээр үндэслэн гаргасан болно. Жагсаалтын бүрэн гүйцэд, үнэн зөв байдал ялангуяа цаг хугацааны хувьд гарч болох өөрчлөлтүүдийн өмнөөс ЭСЯ хариуцлага хүлээхгүй.



	<i>1 Хэлний мэдлэгийн сертификат нь шалгалт авах эрх бүхий магадлан итгэмжлэгдсэн байгууллагаас олгосон байх ёстой. Монголд одоогоор ганцхан Гёте-Институт л энэ шаардлагад нийцэж байна. Герман хэлний мэдлэгийн түвшин анхан шатнаас дээш гэдгийг виз мэдүүлэхдээ ярилцлага хийж баталж чадвал герман хэлний сертификат өгөх журмаас чөлөөлж болно. Визийн мэдүүлгээ өгсөнөөс хойш герман хэлний сертификатыг тодорхой хугацаанд нөхөн өгч болдог бөгөөд ЭСЯ-наас энэхүү хугацааг тодорхой зааж өгнө.</i>	
12	Визийн хугацааг хамрах эрүүл мэндийн даатгал. Виз олгох боломжтой болсны дараа өгөх ба энэ талаар Элчин сайдын яамнаас утсаар мэдэгдэх болно.	
Монголоос өөр орны иргэншилтэй виз мэдүүлэгч		
13	Монгол Улсад удаан хугацаагаар оршин суух зөвшөөрөл	
Хураамж		
14	Визийн хураамж 75 еврог монгол төгрөгөөр	
Визийн мэдүүлгийн бүрэн гүйцэд байдал		
Визийн мэдүүлэгт шаардлагатай бичиг баримт бүрэн гүйцэд байгаа эсэх: <input type="checkbox"/> тийм <input type="checkbox"/> үгүй, чагтлаагүй үлдсэн бичиг баримт/мэдээлэл дутуу		
Бүрэн гүйцэд бус визийн мэдүүлэг өгөх тухай мэдэгдэл		
<p>Миний визийн мэдүүлэг бүрэн гүйцэд бус байгаа талаар надад мэдээлсэн. Визийн мэдүүлэгт шаардлагатай бичиг баримт дутуу байх нь визийг татгалзах эрсдэлтэй гэдгийг миний бие ойлгож байгаа бөгөөд визийн мэдүүлгээ өгөх хэвээр байгаа гэдгийг мэдэгдэж гарын үсгээ зурсан болно.</p> <p style="text-align: right;">_____ газар, огноо, гарын үсэг</p>		